



Universitätsbibliothek Paderborn

Praxis Episcopalis

In Qva Episcoporum Non Tantvm, Eorumqve Vicariorum munus; sed
Parochorum etiam & conscientiarum directorium concernentium casuum
ac dubiorum indies occurrentium Resolvtiones ... quàm brevissimè
continentur

Zerola, Tommaso

Coloniae Agrippinae, 1680

Electio.

urn:nbn:de:hbz:466:1-10421

Quintò, emphyteuta donans rem emphyteuticam absque domini requisitione, non semper cadit in commissum; idem *ibidem*, numer. 25. & *infra*, & relinquens in testamento, & dando in solutum, & in permutatione, & donatione, *ibidem*, à num. 26. & *infra*.

Sextò, emphyteuta non potest vendere jus suum, nisi requisito prius domino directo, an velit eodem pretio emere, tenetur ei dare laudemium, quod est quinquagesima pars pretii, & si vendit irrequisito domino, perdit jus suum, l. 2. & 3. de jure emphyt. Navar. de reb. Eccl. non alien. num. 22. & in cons. de usur. numer. 93. Cetera vide *insequens* in eod. verbo.

ELECTIO.

Primò, electio Abbatissarum, & aliarum officialium monasteriorum, quomodo fieri debeat, *vid. in ver. Abbatissa*, §. 1. 2. 4. 5. & 6.

Secundò, electio quorumcumque superiorum, & officialium regularium fieri debet per vota secreta, alias electio erit irrita, & nulla, Concil. Trid. sess. 25. c. 5. de refor. reg. in casu contrariò & pro defensione, quando consentiret totum corpus Concilii, vel Parliamenti, vel Capituli, vel Collegii, vel Monasterii, licet non sit servata forma, vide pro practica Iason in l. univ. servatus, à num. 1. de precibus Imper. offer. & Carder. in cons. 2. de jure patroni. ubi habet quod teneat electio, vel conclusio facta.

Tertiò, electio Pœnitentiarii, vide *in ver. pœnitentiarius*, §. 3. electio Vicarij

Episcopi, eo defuncto, à quo & quando fieri debeat, & cujus conditionis? *in ver. Capitulum*, §. 7. & *ver. Vicarius*, dub. 1. electio Canoniorum pro gubernatione seminarij? vide *in ver. Capitulum*, §. 7.

Quartò, electus consentiendo electioni de se factæ à media parte eligentium, an augeat numerum, & electionem perficiat, Ioan. And. *in reg. in toto, de reg. jur. Abb. in c. cum iure peritus, de electione*, Paul. de Cast. *conf. 230. lib. 2.* dicunt quod sic, quicquid dicat *glos. in d. c. 2. in ver. consentiat*, sed fallit in patronis presentantibus ad jus patronatus, prout *in ver. jus patronatus*, §. 34. sed in electione hoc valet, quando proceditur per modum compromissi; secus verò per modum scrutini, vel communis inspirationis, Host. *in loc. cit.* & Sylvest. *in sum. in ver. electio*, 2. §. 18. numer. 23. Gem. *in c. cum expediat, ver. sed pone, de elect.* lib. 6.

Quintò, electio quando mutari potest, vide pro pract. Hostiens. *in sum. hoc titul. §. utrum mutari potest*, num. 21. ubi dicit, quod non post publicationem, vide *in ver. moniales*, §. 21. & idem Host. *eod. tit. §. nota quod*, num. 18. *vers. quid si à duabus.* & *in cap. final.* ubi exemplificat in Papa, ex quo à duabus partibus electus est, voce electi computata, ab omnibus recipiendus est, & *in tit. de jure patronatus*, num. 12.

Sextò, an electio debeat fieri in Ecclesia, quæ vacat, & possit fieri alibi? Respondetur ex Gem. *in c. quam sit, ver. ad secundam, de elect.* lib. 6. ubi videtur dicere, quod potest fieri alibi.

REQUI

REQUISITASUBSTANTIALIA

Electio per Formam Scrutiniorum desumpta ex cap. Quia propter de Elect. sunt decem & octo.

- 1 Ut electio fiat per Congregatos in unum, ita ut actus electionis non fiat singulariter sed Collegialiter & in communi.
- 2 Ut Scrutatores assumantur à Collegio.
- 3 Ut Scrutatores qui assumuntur sint tres, non plures, nec pauciores.
- 4 Ut idem Scrutatores sint de Collegio.
- 5 Ut vota singulorum exquirantur secretè.
- 6 Ut vota eligentium exquirantur sigillatim, seu singulariter.
- 7 Ut exquirantur vota omnium presentium.
- 8 Ut vota electorum in scriptis redigantur.
- 9 Ut vota postquam fuerint in scriptis redacta, in communi publicentur.
- 10 Ut publicatio huiusmodi fiat mox postquam vota fuerint in scriptis redacta, id est in eodem, nullo actu extraneo intermedio, & unco contextu.
- 11 Ut votis publicatis, fiat plena collatio, id est numeri ad numerum, meriti ad meritum, & Licet ad zelum.
- 12 Ut huiusmodi Collatio fiat in continentibus, postquam vota fuerint publicata.
- 13 Ut post habitam collationem sequatur communis electio.
- 14 Ut ipsa communis electio fiat illico post Collationem, id est nullo extraneo actu interiecto.
- 15 Ut electio fiat de illo, in quem major, & sanior pars Capituli consentit.
- 16 Ut electio sit verbalis.

17 Ut electio non fiat clandestine, sed solemniter publice tur, & publicatio fieri debet in Capitulo, & tutum est, ut etiam populo publicentur.

18 Ut predictorum omnium ordo servetur, ita ut actus supra enumerati, non fiant preposterè, nec simultaneè, sed successivè unus post alium.

De singulis autem actibus superscriptis Notarius, seu scriba electionis debet se rogare coram testibus, & publicum Instrumentum consicere.

P. FAGNANUS.

FORMA INSTRUMENTI ELECTIONIS.

CELEBRATÆ PER SCRUTINIUM, quæ habita est Canonica, quia octodecim requisita in cap. Quis propter de Elect. sunt ad amissim observata.

In Nomine Domini Amen.

OMnibus & singulis, præsens hoc Instrumentum visuris, aut intellecturis salutem in Domino. Iisdem pateat, fiatque manifestum Anno Domini . . . Die vero . . . Mensis . . . hora . . . In loco celebrandis Comitibus afflueto, coram me N. N. Notario &c. & coram NNNNNN testibus ad hæc specialiter vocatis, & rogatis præsentibus comparuisse A. B. C. D. &c. omnes Capitulares, & Capitulum representantes post Missam de Spiritu sancto ad Majus Altare Ecclesie præfatæ solemniter

Ec 3

ab